

Балта эрәтә алчур

I

Балта эрәтә алчур
Бадмин өгсн белг,
Иньгән мордулсн учр,
Итклин санл болг...
Алчуриг Нарм авад,
Адгъдж өвртән дүрлә.
Иньгләрни удшдж йовад,
Икәр дотран уутърла.
Өбрнь дахсн Бадм
Өрчинь дакн дерлә.
— Нанд әмн зүркм,
Нармч — гидж келлә...
Дәәвлсн джил болн
Дәәни хаалгъ ут.
Дутсн-үлснъ оln,
Дурни күчн бат.

II

Кесг итклтә үүрәсн
Кеер хагъцв, Нарм.
Өрчдк белг алчурасн
Өндин салхш, харм.
Әәх - үкх ирвчн,
Әәмх-цухрх болвчн —
Әрүн дурни белг,
Әмн зүркн болг!
Намчта торгън алчурнь
Нармин өрчд шуртна.
Аюл-әәмшгд уутърсан
Алчуран үзәд, мартна.
Күнд шавла харгъсан,
Күмн сүрдмәр зовсан,
Аргъдж — үкклә маргъсан,
Алчуран атхад, диилнә.

III

Нармин йовсн әнъгиг

Нааран ишктн — гив.
Бачмар күрх зәнъгиг
Батлн келдж өгв.
«Темән» уул авхиг
Теднәс командир некв.
Туслнъ, өшәтиг диилсән
Тугар медүлхиг закв...
Өөдләд уулд гарн,
Өвдгән Нарм теверв.
Бөдүн гуйдж шаваснъ
Бүлән цусн деврв.
Алчуран өрчдән шахн,
Адгъдж шаван бөгльв.
Ташр деерәснъ атхн,
Таг мөслдж агльв.

IV

Уулин ора деер
Улан туган күләв.
Сер-сер салькн
Седкл дахдж үләв.
Күләхд цаг адгъм,
Күргхм, диилврән келхмн:
Алчуран Нарм гаргъв,
Альхарн шаван атхв.
Намчта торгън алчур
Нармин цуснд улана.
Бууд өргсн дарцг
Бульглен зүрк булана.
Дурта, цустә алчур,
Дуудад, байрта делс!
Советин баатр салдс,
Сонън кишгтә улс!

Сян-Белгин Хаср